



Gizon bat Glas
Srpski
(Serbiako
Ahotsa)
Bosniako
Errepublikako
Serbiarreko
egunkari
bakarra
irakurtzen.
Telebista eta
irratiaz jabetu
ondoren,
Plavsicen
aldekoek
egunkari
horren
kontrola ere
eskuratu dute.
RADIOJE
PAVICIC / AP

Plavsicen alde joka dezala eskatu diote EEBBetako ordezkariak Slovodan Milosevici

Plavsic eta Milosevicek bi urtetan ez dute hitz egin ezadostasun politikoak direla eta

Agentziak / Belgrad

BILJANA Plavsic eta Slobodan Milosevic politikari serbiarren arteko ezin ikusia izugarria da. Egoera horren sorrera aurkitzeko 1993. urtera jo beharra dago. Orduan, Biljana Plavsic —egun Bosniako Errepublika Serbiarreko lehendakaria— ultranazionalista zen, eta Milosevici Mendealdeko indarren aurrean amore ematea egotzi zion, Milosevicek Bosniako serbiarrei musulmanekin eta NATOrekin hitz egin zezaten aholkatu zela. Hori dela eta, Plavsicek gogor kritikatu zuen egungo Jugoslaviako burua, Milosevic.

Harrezkero, bi urte ingurutan Plavsicek ez du Milosevicekin elkarriketarik eduki nahi izan, Plavsicen aburuz, Milosevic EEBBko Gobernuaren konplizea

Madelaine Albright-ek, EEBBko Estatu idazkariak, Jugoslaviako (Serbia eta Montenegro) Slovodan Milosevic lehendakariari eskatu dio Plavsice Karadzicen aurka duen gatazkan lurralde autonomoko lehendakariaren alde jokatzeko. Elkarlana ez da erraza izan Plavsic eta Milosevicen arteko ezin ikusia dela eta.

izan baitzen, eta biek batera Daytongo (EEBB) bake akordioak inposatu nahi izan baitzituzten. Gaur egun, aldiz, Biljana Plavsic bera da 1995eko azaroan Daytonen hitzartutako akordioak defendatzearen alde dagoena. Berez, bien arteko konponketa zaila izan dela uste dute adituek.

James Rubin EEBBetako Estatu bozeramaileak baieztatu zuen Albrightek Milosevici telefonoz hots egin ziola «argiki eta osoki berak sinatutakoa (Dayton) bete dezan, eta Plavsicen alde egin dezan» esateko.

Plavsicek astelehenean Serbia-

ko telebista kate batean adierazi zuen ipar amerikarrei Milosevic Daytongo akordioen sinatzaile gisa bakarrik interesatzen zaiela, eta hala adierazi zuen: «Nik sinatu ez nituen akordioak, alegia». Halaber, Washingtonen Milosevic lurralde autonomoko epaile lane-tarako ez duela erabiliko esan zuen. Emisio berean, Milan Dupor —Plavsicen aholkularia— zuhurragoa izan zen, eta atak zabalik daudela adierazi zuen. Duporren iduriko, Milosevicek, Plavsic eta Memcilo Krajisnik-en —Bosnia Herzegovinako hiruko lehendakaritzako buruetariko

bat— negoziazioetan bitartekaria izan daitekeela iradoki zuen.

Bestalde, Plavsic, lurralde autonomoko armadako militar nagusien laguntza lortu nahian, azken haiekin bildu zen atzo. Militarrek ez zioten Plavsicen deiari erantzun ordea, jeneral kopuru osoaren erdia besterik ez baitzen agertu. Militarren eta lehendakariaren arteko tentsioa areagotu egin zen, astelehenean, militarrek Plavsicekin eduki beharreko bilerara azaldu ez zirenean. Bilerara ez joateko, militarrek zehaztutako orduan iristea ezinezkoa egin zitzaizela arbuatu zuten. X

Etorkin klandestinoak berehala kanporatzeko dekretua indarrean jartzekotan da Italiako Gobernuak

Azken hileotan milaka inmigrante sartu dira, Albaniatik zein Afrika eta Asiako herrialdeetatik

Agentziak / Erroma

INMIGRANTE klandestinoen arazoa gero eta larriagoa dela uste du Italiako Gobernuak, eta, horrexegatik, etorkin horiek berehala kanporatzea ahalbideratuko duen dekretua prestatzen ari da. Ildo horretatik, Barne ministroarekin eta Justizia ministroarekin bildu zen atzo Romano Prodi Italiako lehen ministroa, dekretua prestatu eta inmigrante klandestinoak ahalik eta azkarren kanporatzen hasteko.

Izan ere, bi arazok bat egin dute azkenaldion Italian: batetik, gero eta gehiago dira Afrikako

zein Asiako herrialdeetatik Euro-para Italiatik sartzen diren etorkinak. Kalabriako mafiaren bidez sartzen dira horietako asko, talde horrek «pertsonek trafiko» sarea antolatuta baitu, eta diru truke Italian sartzeko modua eskaintzen die, nahiz eta oso baldintza eskaseta izan. Bestetik, Albaniako krisia lehertu zenean herrialde hartako milaka jende Italiara ihes egin zuen.

Hain zuzen ere, 10.000 albaniar inguru daude une honetan Italiako Gobernuak eta laguntza humanitariorako taldeek haiei abegi emateko prestatutako atzeratzean. Legebiltzarrak errefuxia-

tu horiek guztiekin zer egin ezta-baidatuko du datozen egunotan.

Dena dela, ez dirudi albaniar guztiak bat-batean sorterriratzera erabakiko duenik, besteak beste Albaniako Gobernuak ohartarazi duelako jada ez duela jende olde hori guztia hartzeko adina etxe edo lanpostu. Hori dela eta, pixkanakako sorterriratzera plana abian jartzea ari dira aztertzen Italiako agintariak, eta Albaniari egoera zuzentzeko laguntza ekonomikoa ematea. 'Marshall plan txikia' deitzen dioten horretan, NATOk eta Europako Batasunak ere parte hartuko dute. Nolanahi ere, Albaniatik ihes egindako

7.000 bat lagunek aterbeetatik ihes egin dutela uste du Italiako Gobernuak, eta Milan eta inguruetako droga trafiko sareetan sartu direla.

Afrikatik eta Asiatik iritsitako etorkinen kopurua ere asko hazi da. Maiatzetik, 2.000 etorkin klandestino sartu direla uste dute agintariek, gehienak Adriatik hegoaldeko kostaldetik. Halaber, hainbat eta hainbat itsasoan galdu dira. Etorkin horietako asko Kalabriako mafiaren mende geratzen dira, oso baldintza txarretan lan egitera behartzen dituzte eta emakume eta gaztetxoak prostitutza behartzen dituzte. X

laburrean

EKIALDE ERDIA

■ Sei gazte palestinar zauritu dituzte Israelgo soldaduek Belenen

LAUGARREN egunez segidan istiluak izan ziren atzo gazte palestinarren eta Israelgo soldaduen artean Belenen. Jerusalemgo azokako atentatua gertatu zenetik, Israelgo Gobernuak setiatuta dauka hiri autonomo hori, eta palestinarrek neurri horren kontrako manifestaldiak egin dituzte lau egunotan. Protesta ekintza horiek palestinar eta israeldarren arteko borroketan amaitu dira. Atzoko liskarretan, Israelgo soldaduek sei gazte palestinar zauritu zituzten gomazko balekin. X

M E X I K O

■ Chiapasko komunitate indigena bat hartu du Armadak

JOAN DEN larunbatean Mexikoko Armadako 200 soldadu iritsi ziren San Andres de Larrainzar udalaren barruan dagoen San Cayetano komunitate indigenara. Astelehenean, berriz, beste 150. Askapen Nazionalerako Armada Zapatista (EZLN) oso haserre agertu da okupazioarekin, eta herenegun eta atzo kontzentrazioak egin zituen egoera salatzeke. X

A L E M A N I A

■ Gobernuak berregituratzeko eskatu du berriro Waigelen alderdiak

THE WAIGEL Finantza ministroaren alderdiak —Bavariako Batasun Kristausozialak (CSU)—, gobernu berregituratzeko eskatu dio berriro ere Helmut Kohl kantzilerrari. Joan den astean polemika handia piztu zen Waigelek berregokitzea eskatu eta gero. Kohlek ez duela gobernu aldatzeko asmorik erantzun zion. Hala ere, CSUko buruzagiek premiazkoa ikusten dute Gobernu berregituratzea. X

J A P O N I A

■ Isuri erradiaktiboa jazo da biltegi nuklear batean

TOKIO hiriburuko zentral nuklear baten biltegi isuri erradiaktiboa antzeman zuten atzo. Agintariek ez dute jakinarazi isuria zenbatekoa den, eta inguruko biztanleen osasuna zenbateraino kaltetu duen. Tokai zentral nuklearrako biltegi orain dela 30 urtetik hondakin nuklearrak beteta dauden bidai batzuetatik egin du ihes erradiaktibitateak. TBS telebista kateak atzo zabaldu zuenez, behar besteko segurtasun neurririk gabe gorde zituzten bidaiak. X